

## ԱՐՅԱԽԵԱՆ ՕՐԱԳԻՐ

**ՍՏԵՓԱՆԱԿԵՐՏ, 3** Յունիսի, Մ.Տ.Կ.,- Յունիսի 2ին ժամը 24ին Կրկժան տեղամասից մօտ մէկ ժամ զնդակոծութեան է ենթարկուել հայկական թաղամասը: Գնդակոծուել է նաեւ մօտ տարածութեան վրայ տեղակայուած բանակի զինմասը:

Անյայտ անձանց կողմից ձերբակալուել եւ անյայտ ուղղութեամբ են տարուել չորս ֆաղափացիներ՝ Շահբազեան Հրաչիկ Խաչատուրի, որին տարել են իր հերթապահութեան վայրից, Յակոբեան Սամուէլ Միֆայէլի, ծնուած 1966թ, Բալասանեան Արկադի, չորրորդ ֆաղափացու անունը դեռ անյայտ է:

Յունիսի մէկին շրջգործկոմների նախագահների եւ շրջկոմների Բարտուղարների, Ստեփանակերտի ֆաղխորհրդի առաջին Բարտուղարի, Մարգգործկոմի անդամների եւ ԽՍՀՄ ժողովրդական պատգամատրների հավաքի ժամանակ ընդունուել է մի հեռագիր, ուղղուած Գորբաչովին, Լուկիանովին եւ Մուրալիբովին, որտեղ առաջարկուել է դադարեցնել հակաիրաւական գործողութիւններն ու բռնութիւնները Մարգի հայ բնակչութեան նկատմամբ եւ պատրաստակամութիւն է յայտնուել մի երրորդ հանրապետութեան տարածում երկխօսութիւն սկսել դարա-

բաղեան հարցի շուրջ:

Հեռագիրն ուղարկուել է յունիսի Յի առաւօտեան: Լենինգրադի ֆաղխորհրդի պատգամատրներից Ռեյտերը, Եասկին, Ադուշելը երեկ Գեանջաից մեկնել են Լենինգրադ: Սկոբեդան, Ռիբակովը, Տորչիլովսկին, որոնք մարդու իրաւունքների յանձնաժողովի անդամներ են, հանդիպում են ունենալու Գեանջայում գտնուող հայ կալանատրների հետ: Կիւսնովան, Գորշկովը եւ Ժուլաւսկին Ղազախով զնալու են Երեւան:

**ԱՍԿԵՐԱՆ,**- Երեկ Դաշբուլազ են այցելել երեք զինուորական, մէկ

ֆաղափացիական հագուստով եւ մէկ կալանատր Դաշբուլազից: Նրանք խնդրել են ատոբոս, իբր կալանուած դաշբուլազիներին Շուշիից տեղափոխելու համար: Դաշբուլազիները հաւատալով նրանց ատոբոս են տուել, սակայն, շուտով կռահելով խաբէութիւնը հասցնում են զիտից դուրս շրջապատել ատոբոսը եւ ազատել կալանատրին:

**Շահումեան, 4** Յունիսի, Մ.Տ.Կ.,- Երեկ զիշեր, ՕՄՕՆ-ականները հրթիռներով ուժակոծել են Ադրբեջանի Շահումեան շրջանի Բուզլուխ գիւղը: Վիրաւոր կամ

սպանուած չկայ, սակայն զիւղը կրել է նիւթական ծանր վնասներ: Խորհրդային բանակը չի միջամտել: Յայտնենք, որ մի շաբաթից ի վեր արդէն Շահումեանի զիւղերը պարբերաբար ուժակոծուել են ՕՄՕՆ-ական զիւղերից:

Որոշ աղբիւրներից յայտնի է դարձել, որ շրջանի հայ բնակչութեան տեղահանութիւնը օրակարգի հարց է: Բռնի տեղահանութիւնը կազմակերպողները նոյնիսկ պայմանաւորուել են, թէ Բանի ընտանիք պէտք է տեղափոխուի Հայաստան, Բանիսը՝ Ստեփանակերտ: